

Innkalling
av
Formannskapet

Møtedato: 08.11.2023
Møtestad: Heradsstyresalen - Rådhuset Lonevåg
Møtetid: kl.13:00 - 16:00

Eventuelle forfall må meldast i Kaukus

Varamedlemmer møter berre etter nærare avtale.

Sakliste

Saknr	Tittel
074/23	Godkjenning av innkalling og sakliste
075/23	Godkjenning av møtebok
076/23	Referatsaker og meldingar
1	Orientering om namneendring på avdelingar
077/23	Tertialrapport 2. tertial 2023
078/23	Forlenging av Kommunedelplan for Oppvekst
079/23	Inkludering av barn og unge
080/23	Søknad om KS-medalje
081/23	Andre saker/spørsmål

3. november 2023

Lars Fjeldstad
Ordfører

Runar Ludvigsen
Sekretær

SAKSPAPIR

Saksnr	Utval	Type	Dato
074/23	Formannskapet	PS	08.11.2023

Saksbehandlar	ArkivsakID
Runar Ludvigsen	23/2960

Godkjenning av innkalling og sakliste

Innkalling og sakliste vert godkjent.

Saksopplysningar:

Innkalling med sakliste er send ut.

SAKSPAPIR

Saksnr	Utval	Type	Dato
075/23	Formannskapet	PS	08.11.2023

Saksbehandlar	ArkivsakID
Runar Ludvigsen	23/2960

Godkjenning av møtebok

Vedlegg:

Protokoll - Formannskapet - 06.09.2023

Møteprotokoll frå vert godkjend.

Saksopplysningar:

Møteprotokoll er send ut til godkjenning.

Møteprotokoll for Formannskapet

Møtedato: 06.09.2023
Møtestad: Formannskapssalen - Rådhuset Lonevåg
Møtetid: kl. 13:00 - 14:30

Frammøtte medlemmer	Parti	Rolle
Lars Fjeldstad	SP	Ordfører
Hjalti Heimir Gislason	H	Varaordfører
Rita Aud Tveiten	AP	Medlem
Turid Bjørndal Njåstad	SP	Medlem
Siren Tyssebotn	FRP	Medlem
Ragnar Tyssebotn	FRP	Medlem

Forfall meldt frå medlem	Parti	Rolle
Alexander Thunestvedt	AP	Medlem
Berit Moslett Borge	H	Medlem
Jarle Skeidsvoll	KRF	Medlem

Frammøtte varamedlemmer	Parti	Erstattar medlem
Johannes Haugland	SP	Berit Moslett Borge
Øyvind Litland	AP	Alexander Thunestvedt

Følgjande frå administrasjonen møtte: Kommunedirektøren og politisk-adm.sekretariat

Sakliste

Saknr	Tittel
062/23	Godkjenning av innkalling og sakliste
063/23	Godkjenning av møtebok
064/23	Referatsaker og meldingar
065/23	Forlenging av Kommunedelplan for Idrett og fysisk aktivitet
066/23	Handlingsprogram for idrett og fysisk aktivitet 2024-2027
067/23	Samarbeidsavtale for Syns- og audiopedagogisk tjeneste SAPT
068/23	Søknad om tilskot til reparasjon av steinbrua over Mjeldastraumen
069/23	Søknader om tilskot, lån og kommunal garanti: Sherpatrapper til Bruviknipa
070/23	Utgreiing om pensjonsordning fra KLP
071/23	Søknad om skjenkeløyve - Mjøs Eiendom AS
072/23	TV-aksjonen 2023 - invitasjon til økonomisk stønad
073/23	Andre saker/spørsmål

062/23: Godkjenning av innkalling og sakliste

Kommunedirektøren sitt framlegg:

Innkalling og sakliste vert godkjent.

06.09.2023 FORMANNSKAPET

Ragnar Tyssebotn, FRP, har sendt eit spørsmål om gruvedrift på Litland i forkant av møte.

Ordføraren ga slik orientering: Det er eit selskap som har overtatt mineralrettar til to område i Hosanger. Dette er eit selskap som driv med mindre skala gruvedrift. Dei vil gjere undersøkingar gåande til fots i terreng og det er i så fall det dei gjer pr i dag. Neste steg vil evt vere å prøvebora, men før det vil dei invitere alle interesserte. Dei må også søkje kommunen for å få til å gjennomføre prøveboring.

Ragnar Tyssebotn, FRP, varsla spørsmål i sak om Mjeldalen.

Hjalti H. Gislason, H, varsla to spørsmål om oppfølging i to formannskapssaker av FS 054/21 (Hetlevikhuset) og FS 059/23 (Landbrukskontoret).

Det var elles ingen merknader til innkalling og saksliste

FS - 062/23 VEDTAK:

Innkalling og sakliste vert godkjent.

Kommunedirektøren hadde slik orientering:

Det har vore ein stille sommar, utan dei store sakene, no etter at eg kom frå ferie har det vore travelt.

Vi er i gang med budsjettarbeid, og som vanleg vert dette ein krevjande øvelse.

Helse og omsorg:

Ny nestleiar på plass 1. september. Vi håper å ha den andre nestleieren på plass i løpet av hausten.

Framleis bruk for vikarlege på Valestrand. Vi har inngått kontrakt for 6 mnd. med legen som er der no.

Må og bruke vikarbyrå i samband med at lege i Lonevåg skal ha permisjon i haust grunna spesialisering.

Arbeidstilsynet har vore på tilsyn i Peraplassen bustad, og der har vi fått ei rekkje pålegg vi må svare ut. Mykje går på kartlegging og førebygging av muskel og skjelettplager, psykiske plager og opplæring.

Oppvekst:

Har fått positiv merksemd grunna godt arbeid med skulemiljøsaker. Alvhild Nygard og Olaf Hella var invitert til Kunnskapsdepartementet på arbeidsseminar om skulemiljø og mobbing. I møtet deltok Kunnskapsministeren, to statssekretærer, Statsforvaltar i Vestland, Rogaland og Nordland, Forskarar frå NOVA, Universitetet i Agder, Høgskulen Innlandet, Elevorganisasjonen, UDIR, Kunnskapsdepartementet, Malvik og Osterøy kommune.

Vi var valt ut fordi Statsforvaltaren ser at arbeidet med 9A og skulemiljø i Osterøy har vore systematisk og godt. Dette er resultatet av arbeidet leia av Monica V Reigstad, men også kvar og ein ute i avdelingane. Osterøy kommune vert trekt fram som ein føregangskommune på området, sjølv om innsatsen på området aldri kan reduserast eller ferdiggjerast. Her kjem vi aldri i mål.

Rekruttering:

Har lukkast med å få på plass nye rektorar ved Fotlandsvåg, Valestrand og Osterøy ung. skule. Ikkje alle har starta opp enno så vi har konstituert rektor på Valestrand og Osterøy ung. skule.

Forsøk med vikarpool i Barnehage:

Så langt har dette vore svært positivt tiltak. Vi har tilsett 10 faste vikarar i vikarpool, men treng i tillegg ringevikarar. Sjølv om tiltaket ikkje starta opp før i sommar er tilbakemeldingane så langt positive.

Samfunnsutvikling:

- Ny leiar for teknisk drift på plass frå midten av august.
- Nye medarbeidar på plan på plass. To damer har starta opp i løpet av august.
- Ny rådgjevar på Landbruk og miljø på plass frå ca 1. november

Så langt eg kjenner til er det god framdrift i arbeidet med dei ulike anlegga vi har gåande.

063/23: Godkjenning av møtebok

Kommunedirektøren sitt framlegg:

Møteprotokoll frå 07.06.2023 vert godkjend.

06.09.2023 FORMANNSKAPET

Det var ingen merknader til møtebok

FS - 063/23 VEDTAK:

Møteprotokoll frå 07.06.2023 vert godkjend.

064/23: Referatsaker og meldingar

Kommunedirektøren sitt framlegg:

"Referatsakene vert tekne til vitande."

06.09.2023 FORMANNSKAPET

Det var ingen merknader til referatsakene

FS - 064/23 VEDTAK:

Referatsakene vert tekne til vitande.

065/23: Forlenging av Kommunedelplan for Idrett og fysisk aktivitet

Kommunedirektøren sitt framlegg til vedtak:

Gjeldande kommunedelplan for idrett og fysisk aktivitet vert forlenga til å gjelde ut 2025.

04.09.2023 UNGDOMSRÅD

Leiar for Kultur og mangfald la fram saka.

UR - 047/23 VEDTAK:

Ungdomsrådet støttar kommunedirektøren sitt forslag til vedtak. Samrøystes vedteke.

06.09.2023 FORMANNSKAPET

AVRØYSTING:

Samrøystes vedteke

FS - 065/23 VEDTAK:

Formannskapet innstiller på at gjeldande kommunedelplan for idrett og fysisk aktivitet vert

forlenga til å gjelde ut 2025.

066/23: Handlingsprogram for idrett og fysisk aktivitet 2024-2027

Kommunedirektøren sitt framlegg til vedtak:

Handlingsprogrammet med tiltaka i prioritert rekkefølge vert vedtatt slik det ligg føre.

04.09.2023 UNGDOMSRÅD

Ungdoms- og idrettskonsulenten la fram saka.

UR - 048/23 VEDTAK:

Ungdomsrådet støttar kommunedirektøren sitt framlegg til vedtak. Samrøystes vedteke.

06.09.2023 FORMANNSKAPET

AVRØYSTING:

Samrøystes vedteke

FS - 066/23 VEDTAK:

Formannskapet innstiller på at handlingsprogrammet med tiltaka i prioritert rekkefølge vert vedtatt slik det ligg føre.

067/23: Samarbeidsavtale for Syns- og audiopedagogisk tjeneste SAPT

Kommunedirektøren sitt framlegg:

Osterøy kommune tek samarbeidsavtalen for Syns- og audiopedagogisk teneste SAPT til vitande og sluttar seg til samarbeidsavtalen.

06.09.2023 FORMANNSKAPET

AVRØYSTING:

Samrøystes vedteke

FS - 067/23 VEDTAK:

Formannskapet innstiller på at Osterøy kommune tek samarbeidsavtalen for Syns- og audiopedagogisk teneste SAPT til vitande og sluttar seg til samarbeidsavtalen.

068/23: Søknad om tilskot til reparasjon av steinbrua over Mjeldastraumen

Kommunedirektøren sitt framlegg:

Kommunedirektøren sitt framlegg til vedtak:

Haus kulturminnelag får avslag på sin søknad om kroner 300 000 i støtte til å reparere steinbrua over Mjeldastraumen.

06.09.2023 FORMANNSKAPET

Ordføreren sette fram slikt fellesframlegg på vegne av alle parti (SP, H, FRP, AP):

“Haus kulturminnelag får tilsegn på sin søknad om kroner 300 000 i støtte til å reparere steinbrua over Mjeldastraumen. Vilåret for tilskotet er at prosjektet vert fullfinansiert.

Tilskotet vert dekket frå dispensasjonsfondet

Grunngjeving:

Prestabrua i Haus er eit unikt kulturminne utan samanlikning i kommunen som grunna store uklårheiter i eigarskap og ansvar har stått til forfall. Osterøy kommune er takksam for den jobben Haus Kulturminnelag har gjort og no skal sette i gong med og ynskjer difor å støtte tiltaket med kr 300 000 som omsøkt.”

AVRØYSTING:

Ordføreren sitt fellesframlegg vert samrøystes vedteke

FS - 068/23 VEDTAK:

Formannskapet innstiller slik:

Haus kulturminnelag får tilsegn på sin søknad om kroner 300 000 i støtte til å reparere steinbrua over Mjeldastraumen. Vilåret for tilskotet er at prosjektet vert fullfinansiert.

Tilskotet vert dekket frå dispensasjonsfondet

Grunngjeving:

Prestabrua i Haus er eit unikt kulturminne utan samanlikning i kommunen som grunna store uklårheiter i eigarskap og ansvar har stått til forfall. Osterøy kommune er takksam for den jobben Haus Kulturminnelag har gjort og no skal sette i gong med og ynskjer difor å støtte tiltaket med kr 300 000 som omsøkt.

069/23: Søknader om tilskot, lån og kommunal garanti: Sherpatrappar til Bruviknipa

Kommunedirektøren sitt framlegg:

Kommunedirektøren sitt framlegg til vedtak:

Søknad om kommunal garanti: Kommunedirektøren ber Osterøy turlag sende inn ny søknad om dette når prosjektet er fullfinansiert.

Søknad om kommunalt lån på 3 000 000 vert avslått grunna mangel på budsjettdekning.

Søknad om tilskot på 500 000 vert avslått grunna mangel på budsjettdekning i driftsbudsjettet, samt for lågt dispensasjonsfond.

06.09.2023 FORMANNSKAPET

Ordføraren sette fram slikt fellesframlegg på vegne av alle parti (SP, H, FRP, AP):

"Søknad om kommunal garanti: Kommunedirektøren ber Osterøy turlag sende inn ny søknad om dette når prosjektet er fullfinansiert.

Søknad om kommunalt lån på 3 000 000 vert avslått grunna mangel på budsjettdekning.

Osterøy kommune gjev tilsegn på tilskot på kr 300 000 med vilkår om at prosjektet vert fullfinansiert, har godkjent spelemiddelsøknad og kommunal lånegaranti vert innvilga.

Tilskotet vert dekket frå dispensasjonsfondet"

AVRØYSTING:

Ordføraren sitt fellesframlegg vert samrøystes vedteke

FS - 069/23 VEDTAK:

Formannskapet innstiller slik:

Søknad om kommunal garanti: Kommunedirektøren ber Osterøy turlag sende inn ny søknad om dette når prosjektet er fullfinansiert.

Søknad om kommunalt lån på 3 000 000 vert avslått grunna mangel på budsjettdekning.

Osterøy kommune gjev tilsegn på tilskot på kr 300 000 med vilkår om at prosjektet vert fullfinansiert, har godkjent spelemiddelsøknad og kommunal lånegaranti vert innvilga.

Tilskotet vert dekket frå dispensasjonsfondet

070/23: Utgreiing om pensjonsordning fra KLP

Kommunedirektøren sitt framlegg:

Etter ei samla vurdering frå Administrasjonsutvalet blir det ikkje jobba vidare med saksutgreiing av konkurranseutsetjing av pensjonsordninga.

06.09.2023 FORMANNSKAPET

AVRØYSTING:

Innstillinga frå administrasjonsutvalet vert samrøystes vedteke

FS - 070/23 VEDTAK:

Etter ei samla vurdering frå Administrasjonsutvalet og formannskapet blir det ikkje jobba vidare med saksutgreiing av konkurranseutsetjing av pensjonsordninga.

071/23: Søknad om skjenkeløyve - Mjøs Eiendom AS

Kommunedirektøren sitt framlegg:

I medhald av alkoholova §§ 1-4a og b, 1-6, 1-7, 1-7a, 1-7b, 1-7c, 4-2 og 4-4 vert det gjeve allment skjenkeløyve for all alkoholhaldig drikk, gruppe 1, 2 og 3 for Mjøs Eigedom AS, Hosanger

Løyvehavar: Mjøs Eigedom AS med org.nr. 916808372

Dagleg leiar og styrar: Trond Lillejord, f. 16.06.1963 vert godkjende.

Avløyssar: Erlend Johan Mjøs, f. 22.05.1992 vert godkjent med atterhald om godkjent kunnskapsprøve.

Type verksemd: Restaurant/Kafe

Skjenketid alkohol:

- Gruppe 1 og 2 alle dagar: kl. 11.00 – kl. 01.00 (drikk med 2,5% til 22% alkoholinnhald)
- Gruppe 3 alle dagar: kl. 13.00 – kl. 01.00 (drikk over 22% til 60% alkoholinnhald)

Vidare vert det gjeve allment skjenkeløyve for all alkoholhaldig drikk på avskjerma uteområde.

Skjenketid for uteservering alkohol

- Gruppe 1 og 2: kl. 11.00 – kl. 01.00
- Gruppe 3: kl. 13.00 – kl. 01.00

Løyveperiode: 25.09.2023 – 30.09.2024

06.09.2023 FORMANNSKAPET

Ordføraren sette fram slikt tilleggsframlegg:

"Formannskapet etterspør søkjer om å nærare forklare kva aktivitet som skal vere i lokalet"

AVRØYSTING:

Kommunedirektøren sitt framlegg vert vedteke mot 1 røyst (AP)

Ordføreren sitt tilleggsskrå framlegg vert vedteke mot 2 røyster (FRP)

FS - 071/23 VEDTAK:

Formannskapet innstiller slik:

I medhald av alkohollova §§ 1-4a og b, 1-6, 1-7, 1-7a, 1-7b, 1-7c, 4-2 og 4-4 vert det gjeve allment skjenkeløyve for all alkoholhaldig drikk, gruppe 1, 2 og 3 for Mjøs Eigedom AS, Hosanger

Løyvehavar: Mjøs Eigedom AS med org.nr. 916808372

Dagleg leiar og styrar: Trond Lillejord, f. 16.06.1963 vert godkjende.

Avløyssar: Erlend Johan Mjøs, f. 22.05.1992 vert godkjent med atterhald om godkjent kunnskapsprøve.

Type verksemd: Restaurant/Kafe

Skjenketid alkohol:

- Gruppe 1 og 2 alle dagar: kl. 11.00 – kl. 01.00 (drikk med 2,5% til 22% alkoholinnhald)
- Gruppe 3 alle dagar: kl. 13.00 – kl. 01.00 (drikk over 22% til 60% alkoholinnhald)

Vidare vert det gjeve allment skjenkeløyve for all alkoholhaldig drikk på avskjerma uteområde.

Skjenketid for uteservering alkohol

- Gruppe 1 og 2: kl. 11.00 – kl. 01.00
- Gruppe 3: kl. 13.00 – kl. 01.00

Løyveperiode: 25.09.2023 – 30.09.2024

Formannskapet ber administrasjonen om å etterspørre søkjer om å nærare forklare kva aktivitet som skal vere i lokalet før møte i heradsstyret.

072/23: TV-aksjonen 2023 - invitasjon til økonomisk stønad

Kommunedirektøren sitt framlegg:

Ordførar sitt framlegg til vedtak:

Osterøy kommune gir kr 10.000 til TV-aksjonen 2023 "Redd Barna – La barna leve i fred".

Summen vert å dekkja på ansvar 1110, teneste 1000.

06.09.2023 FORMANNSKAPET

Øyvind Litland, AP, sette fram slikt framlegg: "Osterøy kommune gir kr 15.000 til TV-aksjonen 2023 "Redd Barna – La barna leve i fred". Summen vert å dekkja på ansvar 1110, teneste 1000."

AVRØYSTING:

Øyvind Litland, AP, sitt framlegg vert vedteke	-	6 røyster (3SP,2AP,1H) mot 2 røyster
Kommunedirektøren, FRP, sitt framlegg fall	-	2 røyster (FRP) mot 6 røyster

FS - 072/23 VEDTAK:

Osterøy kommune gir kr 15.000 til TV-aksjonen 2023 "Redd Barna – La barna leve i fred". Summen vert å dekkja på ansvar 1110, teneste 1000.

073/23: Andre saker/spørsmål

06.09.2023 FORMANNSKAPET

Ragnar Tyssebotn, FRP, hadde slikt spørsmål i sak om knuseverket i Mjeldalen: Det som foregår i Mjeldalen er så alvorleg at det må stoppast. Kan Kommunedirektøren informere heradsstyret i kommande møte?

Kommunedirektøren ga slikt svar: Heradsstyret vert orientert om status i saka i førstkommande heradsstyret.

Hjalti H. Gislason, H, sitt spørsmål om FS 059/23, Landbrukskontoret, vert svart ut av kommunedirektøren under kommunedirektøren sin orientering i starten av møte. Gislason ønskjer likevel at dette vert gitt som ein referatsak i heradsstyret.

Hjalti H. Gislason, H, hadde slik sak: I FS sak 054/21 "sal av hetlevikhuset". Eg ber om at denne saka kjem til formannskapet så snart som mogleg.

Kommunedirektøren ga slikt svar: Saka kjem direkte til heradsstyret i kommande møte. Dette pga saka allereie har vore i formannskapet.

FS - 073/23 VEDTAK:

Det vert ikkje gjort noko vedtak i saka

Til å skriva under møteprotokollen saman med ordførar vart desse valde: Siren Tyssebotn og Øyvind Litland

Lonevåg, 06.09.2023

Runar Ludvigsen
Sekretær

SAKSPAPIR

Saksnr	Utval	Type	Dato
076/23	Formannskapet	PS	08.11.2023

Saksbehandlar	ArkivsakID
Runar Ludvigsen	23/2960


Referatsaker og meldingar

Underliggjande saker:

Saksnummer	Tittel
1	Orientering om namneendring på avdelingar

"Referatsakene vert tekne til vitande."

Saksopplysningar:



Saksframlegg

Saksnr:	Utval:	Dato
	Eldrerådet	
	Råd for menneske med nedsett funksjonsevne	
	Formannskapet	
	Heradsstyret	
	Ungdomsråd	

Sakshandsamar:	Sektor for oppvekst, undervisning og kultur	Linda Judith Svidal Nordås
Avgjerslemynde:		Arkivnr.: 23/2849
		Klassering:

Orientering om namneendring på avdelingar

Kommunedirektøren sitt framlegg til vedtak:
Orienteringa vert teke til vitande.

Saksopplysningar:

Dei to siste årene har det skjedd store endringar hos Osterøy bibliotek og Osterøy kulturskule. Begge avdelingane har fått tilført nye arbeidsoppgåver og saksområde, og sett i lys av dette har begge stader gjennomført prosessar for å endre namn på husa.

Dei nye namna er:

- **Osterøy kultursmie** – i daglegtale Kultursmia – tidlegare Osterøy bibliotek
- **Osterøy ressurscenter for kultur og språk** – i daglegtale Ressurssenteret – tidlegare Osterøy kulturskule.

Bakgrunn

Osterøy kultursmie (tidlegare Osterøy bibliotek) har fått utvida sitt saksområde til å dekke følgjande områder:

- Bibliotek
- Idrett
- Kultur
- Kulturminne
- Friluftsliv
- Frivilligheita
- Barne- og ungdomsarbeid (universelle tiltak)

Osterøy kultursmie består av to team; *Biblioteket* med ansvar for «ordinær» bibliotekdrift etter Lov om Folkebibliotek, og av team «*Idrett, frivilligheit og kultur*». På Kultursmia har biblioteket same tal tilsette som tidlegare. I 1 etg, der team Idrett, frivilligheit og kultur held til, er det følgjande heimlar:

- Kultur- og ungdomskonsulent, tidlegare ungdomskoordinator, 60 % stilling. Stillinga er dermed auka frå 50 % som var det politiske vedtaket, til 60 %. Siste 10 % vert finansiert ved ulike prosjektmidlar, eksempelvis frå Vestland fylke.

- Idrett- og ungdomskonsulent, midlertidig prosjektstilling 100 % ut 2024. Delfinansiert ved hjelp av BUFDIR midlar.
- Frivilligkoordinator 100 %. Viser til eige politisk vedtak.
- Barne- og ungdomsarbeidar, 30 %, midlertidig stilling, til å drifte ungdomsklubben. Finansiert ved hjelp av midlar frå BUFDIR.

Ein ser på ulike digitaliseringsløysingar og samarbeidsprosjekt med andre kommunar for å frigjere meir leiarkapasitet hos leiar for Osterøy kultursmie. Dette er på veg.

Osterøy ressursenter for kultur og språk (tidlegare Osterøy kulturskule) har fått utvida sitt saksområde til å dekke:

- Kulturskule
- Den kulturelle skulesekken og Den kulturelle spaserstokken
- Innføringstilbod i Grunnleggande norsk for nykomne, framandspråklege barn (Forsterka norsk).
- Kompetanseløftet for spesialpedagogikk: Prosjektarbeid.

Det er ikkje auke i stillingar i kommunen på grunn av denne organiseringa. Det er overført 2,2 årsverk frå tenesteområdet for skule/Osterøy ungdomsskule, der innføringstilbodet var lokalisert og organisert skuleåret 22/23. I tillegg er det lagt på 0,4 årsverk som midlertidig prosjektstilling til «Kompetanseløftet for spesialpedagogikk», som er finansiert via midlar frå UDIR. Her er leiingsressursen løyst ved at rektor har fått noko redusert undervisningsplikt. Dette har ikkje gått ut over barn og unge. Vi ser likevel at det har fått konsekvensar i form av at rektor ikkje har kapasitet til å delta i overordna kommunale prosjekt som «Leve heile livet» og «Omsorg +». Dette er uheldig.

Ressurssenteret er som Kultursmia, organisert i to team; *Kulturskule*, inkludert Den kulturelle skulesekken og Den kulturelle spaserstokken, og *Forsterka norsk*. Kompetanseløftet er eit prosjekt som per i dag ikkje ligg i teamorganiseringa, men heilskapen på Ressurssenteret vil bli vurdert på nytt når prosjektperioden går ut i juni 2025.

Begge einingar har gjennom ei drøftingssemje med fagforeiningane fått mogelegheit til å ha teamkoordinatorar på sine team. Det vert vurdert fortløpande kvar dette er hensiktsmessig, med verknad for eit år om gangen. Ein har difor god fleksibilitet i å justere administrative ressursar.

Løysinga med teamkoordinatorar gjeld òg for siste avdeling i Kultur og mangfald, Osterøy integrerings- og læringssenter, som kan ha ein teamkoordinator for *integrering* (flyktning) og ein for *læring* (vaksenopplæring). For Kultur og mangfald, som har mange fagområde, mykje juss som skal følgjast opp, men relativt små budsjett og få tilsette sett i lys av tal saksområde, vart ei løysing med teamkoordinatorar utan formelt leiaransvar vurdert som beste løysing. Teamkoordinatorane har eit administrativt ansvar for å koordinere den daglege drifta saman med leiar, samt å vere med å sikre den faglege utviklinga på sitt fagområde.

Som ein del av dette arbeidet, har vi i budsjettarbeidet rydda og oppretta fleire ansvar slik at vi heile vegen har best mogeleg økonomisk kontroll på fagområda.

Endringane i namn vert gjennomført gradvis ut over hausten, og skal ha full verknad frå 1. januar 2024.

Konklusjon

Orienteringa vert teke til vitande.

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost

SAKSPAPIR

Saksnr	Utval	Type	Dato
077/23	Formannskapet	PS	08.11.2023

Saksbehandlar	ArkivsakID
Øyvind Johannessen	23/1612

Tertialrapport 2. tertial 2023

Vedlegg:

[Lenke til tertialrapport - 2.tertial 2023](#)

Kommunedirektøren sitt framlegg til vedtak:

Tertialrapporten blir tatt til vitande slik den foreligger.

Saksopplysningar:

Saksopplysningar:


Prognosen for 2023 i tertialrapporten for 2. tertial gir eit underskot og meirforbruk for 2023 på ca. 17,2 mill. . Det blir meirforbruk i alle sektorar i 2023 med unntak av sektor for Samfunnsutvikling.

Vurdering

Det arbeides kontinuerlig med å betre resultatet for 2023 i høve til budsjett

Konklusjon

Saka vert lagt fram til formannskapet til orientering.



Osterøy kommune

Trykk her for å lese
[Tertialrapport –](#)
[2.tertial 2023](#)



Osterøybrua. Foto: Mathias Haugdom

SAKSPAPIR

Saksnr	Utval	Type	Dato
078/23	Formannskapet	PS	08.11.2023
	Heradsstyret	PS	
	Ungdomsråd	PS	

Saksbehandlar	ArkivsakID
Linda Judith Svidal Nordås	23/2842

Forlenging av Kommunedelplan for Oppvekst

Kommunedirektøren sitt framlegg til vedtak:

Kommunedelplanen for Oppvekst vert forlenga til å gjelde ut 2030.

Saksopplysningar:

Saksopplysningar:

I følgje gjeldande planstrategi skulle Kommunedelplanen for Oppvekst vore revidert innan utgangen av 2023. Dette er ikkje gjennomført fordi:

- Det er kome lovkrav om å få på plass «Førebyggande plan».
- Det er ikkje kapasitet til å skrive disse to planane parallelt.

Kommunedirektøren ber difor Heradsstyret om å forlenge gjeldande kommunedelplan ut 2030.

Bakgrunnen for at administrasjonen ber om så lang forlenging, er at det per i dag er uvisst kvar i planstrategien for 2024 – 2028 denne kommunedelplanen får oppstart. Ein kan risikere at planen i ny planstrategi vert lagt til seint i perioden. Ein planprosess tek minimum to år, og ved oppstart i 2028 kan ein ikkje vente vedtak før i 2030.

Bakgrunn

I gjeldande planstrategi låg Kommunedelplanen for Oppvekst inne med revisjon i 2023. 01.01.23 vart det innført ny barnevernslov. I § 15-1 i Barnevernslova, er det krav om at kommunen skal utarbeide ein førebyggande plan. Etter drøftingar i sektorleiinga i oppvekst, valte ein følgjande tilnærming til planarbeidet på området:

- Førebyggande plan er lovpålagt, og må prioriterast. Ein har valt å løyse dette som ein temaplan, fordi planen skal sei noko om korleis Osterøy kommune som tenesteytar skal «samordne sitt tenestetilbod til barn og familier (for å) fremme gode oppvekstvilkår».
- Kommunedelplan for Oppvekst skal ha eit noko overordna perspektiv i forhold til Førebyggande plan. Denne planen skal ha eit større perspektiv enn «å førebygge omsorgssvikt». Den skal mellom anna sei noko om trygge lokalsamfunn, og frivilligheita si rolle oppveksten vi tilbyr barn og unge i kommunen.

Vurdering

Vurderinga er at Førebyggande plan må skrivast først. Når ein har denne på plass, har ein òg på plass eit godt kunnskapsgrunnlag for å revidere oppvekstplan. Førebyggande plan kjem til vedtak i Heradsstyret i løpet av 2024.

Folkehelse: Ikkje vurdert.

Miljø: Ikkje vurdert.

Økonomi: Ikkje vurdert.

Konklusjon

Kommunedelplan for Oppvekst vert forlenga ut 2030.

SAKSPAPIR

Saksnr	Utval	Type	Dato
079/23	Formannskapet	PS	08.11.2023
	Heradsstyret	PS	
	Ungdomsråd	PS	

Saksbehandlar	ArkivsakID
Linda Judith Svidal Nordås	23/2849

Inkludering av barn og unge

Kommunedirektøren sitt framlegg til vedtak:

Ungdomsrådet får vedtaksrett over prioriteringane mellom ulike søkarar til dei ulike ordningane. Dersom ungdomsrådet sidestiller to ulike prosjekt innanfor same ordning, har Kommunedirektør mynde til å prioritere mellom søkarane.

Saksopplysningar:

Saksopplysningar:

Kvart år kan ulike aktørar, offentlege, kommersielle og ideelle, søke tilskot frå Bufdir til «*Inkludering av barn og unge*». Målet med tilskotsordninga er at barn og unge skal kunne oppleve meistring og samfunnsdeltaking gjennom utvikling av opne møteplassar, deltaking på ferie- og fritidsaktivitetar, og fullføring av utdanningsløp.

Tilskot til inkludering av barn og unge er ein paraply som rommar 12 ulike tilskotsordningar. Disse er:

- Kultur-, fritids- og ferieaktivitet
- Jobbtilbod og -retteiing
- Utstyrssentral
- Lokal fritidskasse
- Kultur- og aktivitetskort
- Aktivitetsguide
- Los/ungdomslos
- Open møteplass
- Utprøving av arbeidsmodell (gjeld samarbeid i fleire kommunar)
- Koordinering av lokalt arbeid for inkludering av målgruppa (berre kommunen kan søkje)
- Anna lokal aktivitet
- Sentralledd i frivillige organisasjonar – aktivitet i minst fem kommunar

Det er fleire ulike aktivitetar som er i gang i kommunen i dag med midlar frå disse tilskotsordningane. Det er eksempelvis gratisplassar på rideleir på Espevoll gard, ferieaktivitetar på Osterøy museum, Open hall i Osterøyhallen, ungdomsklubb på biblioteket og eit prosjekt på systemnivå internt i administrasjonen i kommunen.

Bakgrunn

Det skal berre prioriterast mellom søkarar dersom det er fleire søkarar på same ordning. Eksempelvis måtte det i fjor prioriterast i delordninga *Kultur-, fritids og ferieaktivitet* fordi det var fleire søkarar på

den delordninga. Dette var den einaste ordninga det var fleire søkarar til.

Administrasjonen har over tid forsøkt å finne gode og føreseielege måtar å prioritere, men det er utfordrande då det ofte er nyansar som skil søknadane. I 2023 forsøkte administrasjonen å lage ein modell der ein fekk poeng på å oppnå mål sett i lys av tilskotsordninga sine krav, samt lokale planer. Sidan alle søkarar møtte Bufdir sine krav og måla i lokale planar er relativt runde, vart resultatet små og ingen forskjellar mellom søkarane. Administrasjonen har drøfta ulike andre modellar for å rangere mellom søkarar, samt korleis ein skal rettleie ungdomsrådet til å løfte blikket og sjå på søknadane i lys av oppvekstprofil, ungdata og liknande, men finn ikkje ein god måte å gjere dette på før vi ser kva søknader som kjem inn. Bufdir sine søknadsfristar (søknadsfrist til Bufdir i november, frist for prioritering i januar), gjer at ein er nøydde til å ha ein plan for dette arbeidet. Møteplanen til ungdomsrådet er lagt slik at dei skal kunne gjere det arbeidet dei er pålagt i forbindelse med søknadsordninga.

For å skape ein god og best mogleg prosess for rangeringsmøtet i januar 2024, ber administrasjonen Heradsstyret om å godkjenne følgjande tilnærming:

- Administrasjonen (Leiar for kultur og mangfald eller andre i stab Oppvekst) orienterer Ungdomsrådet om kunnskapsgrunnlaget. Med det meiner ein eksempelvis Oppvekstprofilen som seier noko om korleis oppvekstvilkåra er på Osterøy er per i dag, og kvar ein har dei største avvika sett i lys av nasjonale tall.
- Leiar for levekårsutvalet og/eller ordførar seier noko på vegne av Heradsstyret om korleis det politiske miljøet vurderer søknadane og korleis dei bør prioriterast.

Ungdomsrådet skal grunngje kvifor dei prioriterer slik dei gjer, slik at administrasjonen kan melde dette tilbake til søkarane. Ungdomsrådet står fritt til å prioritere ned Osterøy kommune sine prosjekt til fordel for private aktørar sine.

Vurdering

Folkehelse

Det er god folkehelse i at det er god tilgang på fritidsaktivitetar.

Miljø

Ikkje vurdert.

Økonomi

Osterøy kommune har ein stram økonomi. Denne tilskotsordninga er god måte å få til fleire inkluderingstiltak for barn og unge i kommunen.

Konklusjon

Heradsstyret gjev ungdomsrådet vedtaksrett, under rettleiing frå både administrativ og politisk nivå i kommunen.

SAKSPAPIR

Saksnr	Utval	Type	Dato
080/23	Formannskapet	PS	08.11.2023

Saksbehandlar	ArkivsakID
Runar Ludvigsen	23/2755

Søknad om KS-medalje

Vedlegg:

Vedtekter Medalje KS-nov19

Kommunedirektøren sitt framlegg til vedtak:

Formannskapet vedtek å søkje KS om tildeling av KS-medaljen for Rita Aud Tveiten

Saksopplysningar:

Saksopplysningar:

I vedtektene for KS-medalje står det:

«§ 1 KS-medalje tildeles folkevalgte eller tilsatte i kommuner eller fylkeskommuner som har utført en fortjenstfull samfunnsgagnlig virksomhet av særlig betydning for sin kommune eller fylkeskommune.

§ 2 For folkevalgte kreves vanligvis at vedkommende har hatt tillits- og eventuelt tjenesteoppdrag i minst 24 år.

For tilsatte kreves vanligvis at vedkommende har vært tilsatt i minst 25 år.

For begge grupper kan inntil tolv års tjenestetid i kommunalt, fylkeskommunalt eller interkommunalt eide virksomheter eller i organisasjoner for kommuner telle med.

For folkevalgte regnes tjenestegjøring i verv som medlem av Hovedstyret i KS med. Åtte års tjenestegjøring som medlem av Hovedstyret er selvstendig grunnlag for tildeling av medaljen.

§ 3 **Vedkommende formannskap eller fylkesutvalg kan søke om tildeling av medaljen.** Søknaden fremmes på KS søknadsskjema. Medaljen tildeles i disse tilfellene av forbundets administrerende direktør eller den administrerende direktør gir fullmakt. Medaljen kan også tildeles av KS på eget initiativ. I disse tilfellene tildeles medaljen av Hovedstyret, eventuelt etter forslag fra fylkesstyrene.

§ 4 Avgjørelser om tildeling av medaljen grunnis ikke.

§ 5 Administrerende direktør i KS fastsetter avgift for medaljen. Avgiften betales av den instans som har tatt initiativet til tildelingen.

§ 6 Navnene til de personer som er tildelt medaljen, skal føres inn i en protokoll som oppbevares av administrasjonen i KS.»

Bakgrunn

Rita Aud Tveiten ga seg som folkevald i Osterøy kommune etter heradsstyreperioden 2019-2023. Ho

stilte for perioden 2023-2027 til val til fylkestinget, men kom ikkje inn korkje som fast medlem eller vara til fylkestinget.

Under følgjer ein komplett oversikt over heile Rita Aud Tveiten sin politiske karriere:

Heradsstyret i Osterøy kommune:

- Medlem 1983-1987
- Medlem 2015-2019
- Medlem 2019-2023

Fylkestinget:

- Medlem Fylkesting, Hordaland 1983-1987
- Medlem Fylkesutval, Hordaland 1987-1991
- Medlem Fylkesutval, Hordaland 1991-1993

Stortingsperiodar

- Vararepresentant nr 6 for Hordaland, 1989 - 1993, A.
- Representant nr 13 for Hordaland, 1993 - 1997, A.
- Representant nr 14 for Hordaland, 1997 - 2001, A.
- Vararepresentant nr 1 for Hordaland, 2001 - 2005, A. (01.10.2001 - 30.05.2004)
- Representant nr 1 for Hordaland, 2001 - 2005, A. (30.05.2004 - 30.09.2005)

Vararepresentasjonar

- Møtte fast som representant 01.10.2001-19.10.2001 for Olav Akselsen.
- Rykket opp som representant 30.05.2004 etter Leif Lunds død.

Medlemskap i stortingskomitear

1993-1997

- Medlem, Kontroll- og konstitusjonskomiteen, 21.10.1993 - 29.10.1996
- Medlem, Sosialkomiteen, 29.10.1996 - 30.09.1997

1997-2001

- Medlem, Næringskomiteen, 21.10.1997 - 30.09.2001

2001-2005

- Medlem, Forsvarskomiteen, 04.06.2004 - 30.09.2005
- Varamedlem, Valkomiteen, 16.06.2004 - 30.09.2005

Medlemskap i delegasjonar

1993-1997

- Varamedlem, Stortingets delegasjon til Nordisk råd, 25.10.1993 - 30.09.1997
- Delegat, FNs generalforsamling, 1994 –

1997-2001

- Varamedlem, Stortingets delegasjon til EFTA-parlamentarikerkomiteene og Den felles EØS-parlamentarikerkomiteen, 30.03.2000 - 30.09.2001

- Varamedlem, Stortingets delegasjon til Nordisk råd, 30.03.2000 - 07.12.2000
- Medlem, Stortingets delegasjon til Nordisk råd, 07.12.2000 - 30.09.2001

Offentlege verv

- Medlem Fylkeskulturstyret, Hordaland 1984-1987
- Medlem Administrasjonsutvalet, Osterøy 1984-1987
- Medlem og formann Styret for Hordaland Teater 1985-1995
- Meddommar Nordhordland heradsrett 1987-1997
- Medlem Fylkesskolestyret, Hordaland 1988-1991
- Medlem Statens Fiskarbanks avdelingsstyre i Bergen 1992-1996
- Leder Utvalet for kunstnerisk utsmykning i Stortinget 1993-2001

Tillitsverv i parti

- Medlem, nestleiar og leder Styret for Osterøy Arbeiderparti 1979-1993
- Tiltreande styremedlem Hordaland Arbeidarparti 1987-1993
- Varamedlem Styret for Osterøy Arbeidarparti 1993-2005

Tillitsverv i organisasjonar

- Medlem Styret i Norsk Kommuneforbund avdeling 543 1984-1990
- Leder og hovudtillitsvalt Norsk Kommuneforbund avdeling 543 1986-1988
- Leder Framfylkingen Hordaland 1987-1991
- Medlem Styret for Kommunanes Sentralforbund Hordaland 1988-1995
- Medlem Landstinget for Norske Kommunars Sentralforbund 1988-1995
- Medlem Styret for Osterøy AOF-foreining 1990-1993

Andre administrative verv

- Medlem Styret for Bergen - China Foundation 2006-2009
- Medlem Styret for Konfucius-institutt i Bergen frå 2007
- Medlem Programstyret for NTNU-Marin frå 2007
- Nestleiar Kysten inn i EU

Oversikta er henta frå <https://www.stortinget.no/no/Representanter-og-komiteer/Representantene/Representant/?perid=RTV>

Vurdering

KS-medaljen tek i utgangspunktet ikkje omsyn til statleg/nasjonal politisk teneste. Det må likevel vurderast om ein i det heile skal sjå helt bort i frå dette.

Dersom ein skal vere nøktern i vurderinga av Tveiten sin politiske karriere og ikkje i det heile teke med åra på stortinget, og all teneste og verv i samband med dette, kjem ein likevel fram til at Tveiten har 25 år samla teneste tid. Dette er fordelt på 12 år i Osterøy kommune, 6 år i fylkeskommunen (om ein her ikkje tel perioden 1983-1987 dobbelt, i så fall er det 10 år) og 7 år i Kommunanes Sentralforbund (KS).

Konklusjon

Saka vert lagt fram for formannskapet for handsaming og avgjerd.

VEDTEKTER FOR KS-MEDALJE

Vedtatt av Sentralstyret i KS 13. desember 2000.

Justert i Sentralstyret 9. desember 2003, 12. oktober 2004 og Hovedstyret 27. mai 2009.

§ 1

KS-medalje tildeles folkevalgte eller tilsatte i kommuner eller fylkeskommuner som har utført en fortjenstfull samfunnsgavnlige virksomhet av særlig betydning for sin kommune eller fylkeskommune.

§ 2

For folkevalgte kreves vanligvis at vedkommende har hatt tillits- og eventuelt tjenesteoppdrag i minst 24 år.

For tilsatte kreves vanligvis at vedkommende har vært tilsatt i minst 25 år.

For begge grupper kan inntil tolv års tjenestetid i kommunalt, fylkeskommunalt eller interkommunalt eide virksomheter eller i organisasjoner for kommuner telle med.

For folkevalgte regnes tjenestegjøring i verv som medlem av Hovedstyret i KS med. Åtte års tjenestegjøring som medlem av Hovedstyret er selvstendig grunnlag for tildeling av medaljen.

§ 3

Vedkommende formannskap eller fylkesutvalg kan søke om tildeling av medaljen. Søknaden fremmes på KS søknadsskjema. Medaljen tildeles i disse tilfellene av forbundets administrerende direktør eller den administrerende direktør gir fullmakt.

Medaljen kan også tildeles av KS på eget initiativ. I disse tilfellene tildeles medaljen av Hovedstyret, eventuelt etter forslag frå fylkesstyrene.

§ 4

Avgjørelser om tildeling av medaljen grunngis ikke.

§ 5

Administrerende direktør i KS fastsetter avgift for medaljen. Avgiften betales av den instans som har tatt initiativet til tildelingen.

§ 6

Navnene til de personer som er tildelt medaljen, skal føres inn i en protokoll som oppbevares av administrasjonen i KS.

SAKSPAPIR

Saksnr	Utval	Type	Dato
081/23	Formannskapet	PS	08.11.2023

Saksbehandlar	ArkivsakID
Runar Ludvigsen	23/2960

Andre saker/spørsmål

Saksopplysningar: